

Nhank nhak da kitjchho

- Nhakin chio lhoe bene, shlaho módulon dhe Gwlhaba nha gwzoja xtillachho. Dilla xhon che ya' Sierra Norte, nhakin to da gwseden lhoe.
- Nhakin to da wak kitjo kon bal lhas chhak lhallo.
- Walh wen chhonskin, nha wak kitjlhenhon kon bal bene chhak lhallo, lhen wk'ks kitjlhenhon toz bene.
- Tarjetan nhoan zjedan nho fotos nha dilla da' chhak do yell chio.

Ka kitjchhon

- Wak kitjlhenhon yeto bene, wak kitjlhenho xexonj bene, leska yogolho bene dsedlhenho.
- De choplh ka kitjon.

Dan kitjo

Danhi kitjonhi nhoan shinho shon tarjetas nhakin yela ton nha yela zlhaga 10,5 x 13,5 cm da shinho shona, gaan nhoan toton foto che dan chsedo che módulon shlahabo: to gemph, yish shlha'n che lnh, ki gonchho to yelawaw, akta che gunt, list che bene, yish da shniee chhio, letrherho, da chyixje'n chhio nha to kart. Toto foton nhoakzin lee dan dsedchho daa le'n. Da'n ye gaa, nhoan nhank nhak nha ga chhon llin toto dan shlahabchho chsedchho dan daa lo yish che bene wak.

Ka nhakin:

- Nhakin to da nzoje nhoan to illa.
- Nhoan dibug wen nha lhatas nzojen.

Ga chhonhin llin:

- Chhonhin llin kate chhaxhee nho bi da chhak o bi da gonhe, kanholnhi, nho gunt.
- Shde'n to ga nhak shawe nha ga nlaa, ga chhelhlin ka chhelndee bene chishgal.

Kartel

Ka nhakin:

Nhakin to yill da chhon llin
ga chhata nho g

k da nhoan: ga,
oi orh gak gunt,
e llag, bi che da
nolshalje, da chak
nta dilla bolzuee,
na sey.

chhonhin llin:

Chgonhechhon llin
chhoncho bino da
gak do yell check

Acta che asamblea



Yeto ka kitjon:

1. Bena yelyitja gaa tarjetan zjenhoan nhanka zjenhak dan chhala gwlhabchho nha gaxha chhonhin llin, yelnan chhaalh. Nha dan ye gaa, dan nhoan lhee nha fotos che dan dee gwlhabchho, gwchien, nha gwkwue'n schhua'lh.
2. Twej twej bena chhelyitj yeldiee yelchise primerh to dan daa nhank nhak lhen gaa chhon llin dan dee chhala gwlhabchho, nha chise yeto gan zjenhita dan foto lhen lhee dan dee chhala gwlhabchho. She ba bezak-enhe lise chop da zjenhak lhueshjen nha goxen. She ko yeza'kenhen, nha yexoe tarjetan gan gwlisena'. She gwza'kenhen, nha goxen nha tiee da yoblh nha gwsanhe kate nhigenhe.
3. Chhonhin bayoll shjesaa lhalle bena chytja nhanka zjenkuua tarjetan, konchh kate lisen ba nezenhe ga xhoa toton, la' nhan gonhe ga yega'n lo yichje dan shne kate dzolhao dan chytje.
4. Chheyoll yela chytj chechhon, kate yeya tarjetan. Nha gon gan bena btobe da zaanch tarjetan.




To ki wak kitjon:

1. Da shinho shon tarjetan chhozchhon lo mes shchixechhon, yelnan chhaal nha yelhlhe' bena yelyitj bixha' daan.
2. Yogolho bene yelhyitj yelonhe ga yolhlhabe bixha' daan, she ko chhely eza'kenhe bixha daan, lenab bena shlhue'nhe lhee, nee bixha' daan.
3. Yogolho tarjetan gdoselhen lo mes, nha bena chhelyitj yelonhe ga shjel-saa lhalle kan zjenhakin, la' chhala yelyelle'lhenhe lhweshje toto tarjetan. Nha yelyeyilhje chop chop tarjetan to da daa dibuj lhen lhee dan dee gwlhabchho, yeton daa gaa chhonhin llin nha nhank nhakin.
4. Twej twej bene chhelyitj, yochhixe chop tarjeta, she ba bellelhenhe to tarjeta gan da to foto nha lhee to da dee gwlhabchho, nha yeto tarjeta ga daa nhank nhakin nha ga chhonhin llin, nha chhebeje chhopin, nha chli se da yoblh she ba jexha'kenhe da chopin ka, nha goxen, kate koch yexha' kenhe chop chopin ka, kanha tee bene yoblh chise tarjetan.
5. She bena llchise tarjetan, ko yeza'kenhe chop tarjeta lhebes, chhala yeyixjen gan wkena, nha te bene yoblh.
6. Kate yeyaa tarjetan, yogolho bena golhyitj yolhlhabe bal kue tarjetan belyechise, nha gon gan bene bechischhe da zaan.



Da chhenhechho che danhi

- Gwchacho nha yostono dan ba goko sheka bsedo sheka chhido ganhiga dsedo, che nho daa dee chhala gwlhabchho, nhank nhakin nha ga chhonhin llin.
- Gonhin ga shejnhi'do ga gako yeyo' lhee yogo lho da dsedo, kate ba chhonho wzejnhido dillachesko nhanka zjenhak lhen nanka chhon llin dan dee chhala gwlhabchho.
- Gwseden lhoe ko yichjo da shlhe'do.
- Gaklhenhin gatachh to weshalj gan chhejo dsedon, la' kan chhonsk da chytjchho koejin lhoe xholl, che bi chhonho nha kate chshaljo.



Chhlhaba nha dzoja dilla xhon chia ya' yixe

Da kitj gwsedchho Gwzua yichjchho da dee gwlhabchho

Da nhua danhi

Danhi kitj gwsedo nhakin yetoo da nhua módulo dhe Chhlhaba nha dzoja dilla xhon chia ya' yixe. Nhak chen gaklhenhin lhoe sheka dsedo, la' belonhen zjonzua yichje lhoe dsedo módulonhiga.

Lhen danhi kitjo gwsedo katez chytjo, nha solhao gonho dan ba chhako, nha solhao wgondo llin to da chhala chaz, to da chsedchho sheka chhakchho nhen: da'a chga'n yichjchho; la' len chhaklhenhin chhegan lo' yichjchho dan dsedchho ka nhak do lho módulon.

Da' nhi kitjonhi chhonhin yellehdo nha yoshago chop wej, tarjetan zjedan nho fotos nha zjenhoaten dilla che nhank zjenhak, lhen ga chhaz da dee gwlhabchho. To tarjetan dan to foto che da dee gwlhabchho, nha dee yeto tarjeta lhweljin, chshaljin nhanka nhak tarjetan shlha' dan to.

Belonhe xhbab danhi chio, lhoe, la' kate dsedchho dzojchho dillan shnechho, walh chaz nho dibuj, ka nho foto chhaklhenhin chhio shnezechho bixha' daa lo yish.



Ka nhakin:

- Nhakin to da chshaljin che da ba gok do tiempote, lhen che da ka gok'kz.
- Nhoan lhate da nhankgok chechhobene walhall.
- Cholsaljen chhio dadgolchechho, ka xa xnhachho, ka shdeen lo nhatotochho.

Ga chhonhin llin:

- Ka dseden chhio da ba gok chechho ka yogo da chhala gonchho.

Bsia chhaobidao

Bene golh ka chholshalje da gok yell chechho do kanhite. Ldegaxh to bsia xhen, dzoba gaxjw nha chhoaba nho biringo dao dzakeba, chheyoaba lebo ya'chhalh nhate chhjeyedawba lebo.

Nha yogolho birhingo dao bolzue yichjbo to xhiga doj, nha kate zagaxh bzian bitochh wzakeba yeyuaba lebo. Perh nho bidao chhal'lhallebo xhiga chebon nha chheyuaksba lebo.

To kate belhlla' bene yell chechhonhi nha wzake zjelsenheba, nha golhchoge yag yixe, belhllintie to le' yej sib gan lla xo'nba, nha belyellelhenhe shit che bidao ba gwdawba, kanha beloteba nha wde dan bemba.



To Gemph

Ka nhakin:

- Nhakin to da nzoje nhoan to illa.
- Nhoan dibug wen nha lhates nzojen.

Ga chhonhin llin:

- Chhonhin llin kate chhaxhee nho bi da chhak o bi da gonhe, kanholnhi, nho gunt.
- Shde'n to ga nhak shawe nha ga nlaa, ga chhelhllin ka chhelhdee bene chishgal.



Kartel

Ka nhakin:

- Nhakin to da nzoje ga dzejn-hin ka chhonhe to yelawaw.
- Les nha nhoan toto da chgwe' yelawawa, kakaten chgwe'n nha nhank dzinhie'n.

Ga chhonhin llin:

- Chgonhenhen llin konch chholzejnhie' ka chhala gakto yelawaw.

Daa chhoanh:

- To kil belha bell
- To kusharh zede
- To yejsiw xhen
- To yichj kuanhaxh
- Shon yinha gwalhall
- Gashj kil bex
- Shon klhab
- To pedish komin
- Garbans, kolhxx, zaa ya', yapj, tormit



Ki gakin:

Kochho to kil belhan, to lo yeso xhen, ka'chhon nhis nha gwzuachhon lo yi. Nha kochhon zede, yejsiw nha kuanhaxh. Sheka chheyena chhote yinha lhen bex, klhab nha komin. Kate ba nheye belhan, nha chgwen yinhan bete, nha chgotien garbanz, kolhx, zaa ya', yapj lhen tormit. Kuezchho lebin, kanha ba nhak yelawaw chechhon.

TO NHO' LH WENYELAWAW ZOLAGA

Kigonchho to yelawaw

Ka nhakin:

- Nhakin to yill da chhon llin kate ga chhata nho gunt.
- Ka nhak da nhoan: ga, bat nha bi orh gak gunta, lha bene llag, bi che da chholshalje, da chak lo gunta dilla bolzuee, firm nha sey.

Ga chhonhin llin:

- Chgonhechhon llin konch chhoncho bino da chhala gak do yell chechho.

AKTA DA WYA'S GA BENHE GUNT CHE PROGRAMAN NHE OPORTUNIDADES DA BENHE YELL LLA SHI NOBIEMBR, IZ CHOP MIL GAYO.

Kate nhak las gaa che sisl'lh, lla shi nobiembr, iz chop mil gayo. Belhyellag bena shinho shon che programan nhen Oportunidades, lo' legalher che yell gok reuniona' gan golhaxe yogolhonto, junt benh bene che Oportunidades ze'e Lla Ihiee, Javier Ríos Gutiérrez. Nha nhoe' to list da chhala wshaljento: 1.- List che bene bedgak; 2.- Ga wshalj nheto che da babenhento; 3.-Da yelna bena wsak bi yelonhe che shina na'; 4.- Bi nho da yoblh wshaljento; 5.- Da llagen chechho gongchho.

Belh'ha yogolho kanhak shinho shonento. Nha bshaljento che llin venhento ga bluando do lo nhez yoo che yell. Geniga koordinadora nhe chhonhin bayoll, gongchho bi dadao yoblh nha she ko yelenhe bene yell ka, nha nho gustis yelaklhenhe chhio lhen nho bi xkuide dao konch sakechho yonhitchho kostumbr ka nhakchho limp. Nheto ka nhak bene blagento wnhanto da chhala gak'kza yelejni yogolhote bene nha gakhcho limp ka lhilchho, ka do kuit yo'o lhen lo nhez chechho. Nha yogolhonto wnhanto yento muestr skuel yolzejninhe biringo ga yelakbo limp, ka cuerhp chebo ka lhilbo, nha benhento kompromis yeendonhomuestrhskuelh, lhen beneche klinikakabene che Oportunidades yolshaljlenhe bi xkuida ka nha yogolhoz bene yolzejninhe lee ga yelake limp. Gan na'e bi da yoblh chenhechho wshaljchho, golnhe bana' wsak chhala yolwillchho justis konch gakhlenhe chhio gone nho ramient ka yolhlwille bene konch yolhlue do lo nhez chie konchh nha sake wluachhento yelate ko na zake tendo chhelne. Bazukz yeyollin kate bodiee kuent yogolho dan golne chhala gak, nha golnhee yella llate dan chhonchho, yolwillcho justis, klinika konch yelaklhenhe chhio. Nha gege bi dechh gak nha chhelne yas actan nha gok ka. Yogolhondo benento firmar, nha bolhchishetien sey. Nha wde gunta.

Lic. Javier Ríos Gutiérrez



La Autoridad Municipal

Acta che asamblea

Ka nhakin:

- Nhakin to da nyoj nhoan lhaa bene zjonkode kuinhe do loorganización o bene chjake nho gunt o chhe-lonhe nhollinhawe.

Ga chhonhin llin:

- Chhazin ga chhonhe organizar da concho chhio nshag-kuinchho.

LIST CHE BENE GOLAKHENHE KATE GOK TO YO'O CHIA. LLA GALJ DISIEMBRH, IZ CHOP MILH GAYO.

1.	Mario Rodríguez López	chop yichj panhelh.
2.	Ismael Rodríguez Cruz	to yoa wag.
3.	Juan Solís Solano	to yoa wag.
4.	Heriberto Fernández Cruz	\$50.00
5.	Rocío López Arias	shon kil zaa.
6.	Manuel Arce Arce	to litro mezkalh.
7.	Simón Cruz Martínez	tyag xhoa
8.	Evaristo Gutiérrez Ríos	to kag yeez.
9.	Primitivo Solano Molina	\$20.00
10.	Agapito García Pérez	to litro mezkalh.
11.	Aureliano Cortez Martínez	to litro gwarhient.
12.	Lucía Arias Ríos	tres kilos de arroz.
13.	Enésimo Martínez Martínez	\$50.00
14.	Maximino Ríos Ramos	to yoa wag.
15.	Irene Ramírez García	\$100.00
16.	Pedro Morales Ríos	to litro mezkalh.
17.	Venustiano Cruz Velasco	chop kil bishte kafe.
18.	Vicente Molina Fernández	tap kil sukrh.

List

Ka nhakin:

- Nhakin to da nyoj nhoan lhee nho yell, nho bene, les ka nhoan nho da ko chhala gonchho konch ko bi gak chechho.
- Shde'em ga yelhelhe' bene zan len konch yolhlhaben.

Ga chhonhin llin:

- Chgonhenhen llin kate bi chhala yelneze bene lhen kate bi da' ko chhala gak.

GAKCHHO LIMP

Bit cho'no beb nhiga. Blua lhilllo, ka lo nhez chio konch ka gata yillwe lhallchho. She nhita beko chio, bdaba yag, konch ka yeli'shba do lo nhez. She ba zjenyishba gwka xche'ban bgakuin yoo.



¡YELA SUA WEN CHECHHO, GAKIN SHE GONCHHO LIMP!

Justis Che yo'olhawe


Letrherho

Ka nhakin:

- Nhakin to da nyoj ga chhaxhe' bene gunt ga chholshalje che da chhak che yellhen dachhak che skuelh.
- Yogo da nhoan nho lha bene chhaxhe, che da yolshalje, ga, bat nha orh ga yellage gunt, nha lhaa bena shnie lee logunta.

Ga chhonhin llin:

- Chhonhin llin kate chhaxhe bene gunt.





Yish da shn chhio

Ka nhakin:

- Nhakin to da nyojringo ga chyixje' nye bene kate bi da chhala gak.
- Dan chyixjen bene, daan: dan chhala gak bat gakin, bi orh, nha gan gal gunta ka nho ha bene u organización chhaxhin bene.

Ga chhonhin llin:

- Chhazin kate chyixjenhe bene shjake nho bi shjelenhe o kate bi gak.



Da chyixjen chhio

Ka nhakin:

- Nhakin to da nyoj wak gakin to da ton o to da rhingo nha nhakin da' gonchho saludarh bene lhen kate bi nabchho.
- Daan: ga nzojen, bat bzojen, ga chhonhe saludarh, bi chie' bene, dilla zelhawe chie bena.
- Chhala shoon to lo sobrh nha taan lhaa lhen gazua bena yazie'en ka che bena wzojen.

Ga chhonhin llin:

- Chholzोजen koch yelonhe saludarho yelie' bene da chhalayelnhezenhe.

Zolaga, Yell, lla tape chhua octubr, iz chop mil gayo.

Gwse, Xhina:

Chsela to yishi chio konch nezda she chhak wen chio, zuasknhe to wen bit kue yichjo, bino tao do gan.

Na' ba zaa todsant nha xnhao, shela yeyedshga Gwse chian suachho lnh, les ka chhelna bibisho lhen bi zanho.

Ba gollanhe, la ziton zuabo ka gege chhak tebo to tebo yeto, la' kana wzake wdebo ka mechh xhen nabin zezabo. Kon kueschho, nha kate yelhabo kochh shejskbo.

Kan chhak nha gongo bayoll wkodo mechh dao chhonho gan, konch yeyedo gonchho llin yixe. Nha yeyakchho tos, la' nhaka na' todsant chelyelhaa xtwachho nha gege zoo nha wak yelak llej lhallo.

Bino tao lhall bene zito, kate gonin chis yeyedo toshiz. Konch kochh shejsko.

Xao Xhoa

Nhiga chhoaan: lhaa bene duelen,
ka direksion chie nha ga yell zuee.



Nhiga shdaa: lhaa bena' yezie' karta, ka,
direksion chie nha ga yell zuee.

To kart